



შპს „გარდაბნის თბოსადგური“

გაზის ტურბინის GCV ჰიდრაულიკის ზეთის ფილტრების შესყიდვა

ელექტრონული პროცედურის დოკუმენტაცია

წინამდებარე დოკუმენტაცია შედგენილია 2018 წლის 16 თებერვლის საქართველოს მთავრობის #85 დადგენილებით დამტკიცებული „შპს „გარდაბნის თბოსადგურის“ მიერ საქონლისა და მომსახურების შესყიდვის სპეციალური წესის“ საფუძველზე.

თბილისი  
2018 წელი

1. **შესყიდვის ობიექტის სავარაუდო ღირებულება:** 5932 ლარი დღგ-ს გარეშე;
2. **შესყიდვის ობიექტი (ტექნიკური დავალება):**  
ფასების ცრილი - დანართი N1.1

**შენიშვნა:**

- პრეტენდენტმა, მის მიერ წარმოდგენილ ფასების ცხრილში უნდა მიუთითოს ინფორმაცია შემოთავაზებული საქონლის წარმოშობის ქვეყნის და მწარმოებელი კომპანიის შესახებ. აღნიშნული ინფორმაციის წარმოდგენლობა გამოიწვევს პრეტენდენტის დისკვალიფიკაციას. ასევე, პრეტენდენტის მიერ ტექნიკური დოკუმენტაციის დაზუსტების ეტაპზე თავდაპირველად, სატენდერო წინადადების წარდგენის ეტაპზე შემოთავაზებული საქონლის მწარმოებლის და წარმოშობის ქვეყნის ცვლილება გამოიწვევს პრეტენდენტის დისკვალიფიკაციას.
- შემოთავაზებული საქონელი უნდა იყოს ახალი, არ უნდა იყოს ნამყოფი ექსპლუატაციაში;
- პრეტენდენტმა საქონლის მოწოდებისას უნდა წარმოადგინოს მწარმოებლის და/ან მისი ოფიციალური წარმომადგენლის მიერ გაცემული დოკუმენტი, რომლის მიხედვითაც შესაძლებელი იქნება შემოთავაზებული და მოწოდებული საქონლის იდენტიფიცირება.

**ტექნიკური დავალება:** დანართი N1.2 -ის შესაბამისად.

**3. წინადადების ფასი და მიწოდების პირობა:**

- 3.1. წინადადების ფასი გამოსახული უნდა იყოს ეროვნულ ვალუტაში საქართველოს კანონმდებლობით განსაზღვრული ყველა გადასახდელის გათვალისწინებით. წინადადების ფასი შესყიდვების ერთიან ელექტრონულ სისტემაში (შემდგომში – სისტემა) მითითებული უნდა იქნეს დღგ-ს გარეშე;
- 3.2. ხარჯები, რომლებიც წინადადების ფასში არ იქნება გათვალისწინებული, არ დაეკვემდება არცაა ანაზღაურებას;
- 3.3. შემსყიდველი ორგანიზაციის მიერ ხელშეკრულების ღირებულებაში გათვალისწინებული იქნება წინადადების ფასის დღგ-ს შესაბამისი ოდენობა, თუ ხელშეკრულების დადების მომენტისათვის პრეტენდენტი არის დღგ-ს გადამხდელი საქართველოს კანონმდებლობის შესაბამისად;
- 3.4. გამარჯვებულ პრეტენდენტთან ხელშეკრულება გაფორმდება ლარში.
- 3.5. წინადადების ფასად განიხილება სისტემის მეშვეობით შესყიდვის ელექტრონული პროცედურის შესაბამის ველში დაფიქსირებული ფასი;
- 3.6. ხელშეკრულებით გათვალისწინებული შესყიდვის ობიექტის ღირებულება არ შეიძლება აღემატებოდეს ელექტრონულ პროცედურაში გამარჯვებული პრეტენდენტის მიერ სისტემის მეშვეობით დაფიქსირებულ საბოლოო ფასს;
- 3.7. პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, რომელიც შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, იმ შემთხვევაში თუ აღნიშნული არ აღემატება სისტემის შესაბამის ველში დაფიქსირებულ ფასს;
- 3.8. საქონლის მიწოდებას უზრუნველყოფს მიმწოდებელი საკუთარი ხარჯებით;

**4. შესყიდვის ობიექტის მიწოდების ვადა და ადგილი:**

- 4.1 მიწოდების ვადა: ხელშეკრულების გაფორმებიდან არაუგვიანეს 56 (ორმოცდათექვსმეტი) კალენდარული დღის განმავლობაში;
- 4.2 მიწოდების ადგილი: ქ. გარდაბანი, დ. აღმაშენებლის 2ბ, შპს „გარდაბნის თბოსადგური“

**5. ანგარიშსწორების პირობები:**

- 5.1 ანგარიშსწორება “მიმწოდებელთან” წარმოებს უნაღდო ანგარიშსწორების ფორმით ლარში, საქონლის მიწოდებიდან და ხელშეკრულებით განსაზღვრული დოკუმენტების წარმოდგენიდან არაუგვიანეს 10 სამუშაო დღის ვადაში.

## **6. სხვა მოთხოვნები:**

- 6.1 პრეტენდენტს უფლება აქვს წარმოადგინოს მხოლოდ ერთი წინადადება;
- 6.2 ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა);
- 6.3 წინადადება ძალაშია შემდეგი სტატუსების დადგომამდე: შესყიდვის ელექტრონული პროცედურა დასრულებულია უარყოფითი შედეგით, შეწყვეტილია, ან ხელშეკრულება დადებულია;
- 6.4 შემსყიდველ ორგანიზაციასა და მომწოდებელს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/ შეტყობინება მიღებულად ჩაითვლება მისი სისტემაში ატვირთვის მომენტიდან.
- 6.5 სატენდერო დოკუმენტაციით მოთხოვნილი, ერთიან ელექტრონულ სისტემაში ასატვირთი ყველა დოკუმენტი(ებ)ი წარმოდგენილ უნდა იქნეს **ქართულ, რუსულ ან ინგლისურ ენაზე**; დოკუმენტების და ინფორმაციის სხვა ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული, ან რუსული ან ინგლისური თარგმანი.

## **7. პრეტენდენტის მიერ ერთიან ელექტრონულ სისტემაში ასატვირთი მონაცემები:**

- 7.1 შესყიდვის ელექტრონული პროცედურის წინადადების უზრუნველყოფის გარანტია შესყიდვის ობიექტის სავარაუდო ღირებულების 3%-ის **(177,96 ლარი)** ოდენობით (გარანტია გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან გაცემული ხელშეკრულების უზრუნველყოფის უპირობო და გამოუთხოვადი საბანკო გარანტია გარანტია ასევე შეიძლება წარმოდგენილი იყოს არარეზიდენტი ბანკიდან, ასეთ შემთხვევაში გარანტიის გამცემი ბანკის რეიტინგი უნდა იყოს საერთაშორისო სარეიტინგო სააგენტოს “Fitch International“-ის არანაკლებ BB-, ან სხვა საერთაშორისო სარეიტინგო სააგენტოს S&P, Moody’s ექვივალენტური რეიტინგი და იგი უნდა იყოს დამოწმებული საქართველოს ეროვნული ბანკის მიერ ლიცენზირებული საბანკო დაწესებულების მიერ), რომლის მოქმედების ვადა უნდა იყოს არანაკლებ 120 კალენდარული დღე წინადადების მიღების დაწყების დღიდან (**დანართი 3**-ის შესაბამისად, არსებითი პირობების დაცვით);

**შენიშვნა!!!:** იმ შემთხვევაში, თუ პრეტენდენტს წინადადების მიღების ვადის დასრულების დროისთვის არ ექნება დოკუმენტაციის მოთხოვნათა სრული დაცვით ატვირთული გარანტია, მოხდება მისი დისკვალიფიკაცია.

- 7.2 ფასების ცხრილი **დანართი N1.1**-ის შესაბამისად (პუნქტი 2);
- 7.3 პრეტენდენტის რეკვიზიტები **დანართი N2**-ის შესაბამისად;
- 7.4 ტექნიკური დავალება **დანართი N1.2**-ის შესაბამისად (პუნქტი 2);

## **8. შემსყიდველ ორგანიზაციაში დედნის სახით (ხელზე) წარმოსადგენი დოკუმენტაცია:**

- 8.1 ყველაზე დაბალი ფასის მქონე პრეტენდენტი ვალდებულია შესყიდვის ელექტრონული პროცედურის წინადადების მიღების დამთავრებიდან არაუგვიანეს 7 (შვიდი) სამუშაო დღის ვადაში, შემსყიდველ ორგანიზაციაში (მისამართი: ქ. გარდაბანი, დ. აღმაშენებლის N28) წარმოადგინოს შესყიდვის ელექტრონული პროცედურის წინადადების უზრუნველყოფის 3%-იანი გარანტია (ქვეპუნქტი 7.1.);

**შენიშვნა!!!:** პრეტენდენტის მიერ დედნის სახით წარმოსადგენი დოკუმენტის დადგენილ ვადებში წარმოუდგენლობის შემთხვევაში კომისია მოახდენს პრეტენდენტის დისკვალიფიკაციას.

## **9. ინფორმაცია ელექტრონულ პროცედურაში მონაწილეობის:**

- 9.1 შესყიდვის ელექტრონულ პროცედურაში მონაწილეობის მისაღებად პრეტენდენტს შეუძლია წარადგინოს წინადადება, წინადადების მიღების ვადის დაწყების ეტაპიდან წინადადების მიღების ვადის დასრულებამდე;

- 9.2 ზემოაღნიშნული 9.1 ქვეპუნქტით გათვალისწინებული მოქმედების განხორციელების შემდეგ პრეტენდენტი ვალდებულია ატვირთოს (მხოლოდ სისტემის მეშვეობით) ამავე დოკუმენტაციის მე-7 პუნქტით გათვალისწინებული ასატვირთი დოკუმენტები;
- 9.3 ამ პუნქტის 9.2 ქვეპუნქტით გათვალისწინებული დოკუმენტების ატვირთვის შემდეგ პრეტენდენტმა სისტემის შესაბამის ველში უნდა მიუთითოს წინადადების ფასი, რომელიც არ უნდა აღემატებოდეს შესყიდვის ობიექტის სავარაუდო ღირებულებას, ან უნდა იყოს შესყიდვის ობიექტის სავარაუდო ღირებულებაზე სულ მცირე ერთი ბიჯით ნაკლები.
- 9.4 შესყიდვის ელექტრონული პროცედურის ჩატარების წესი და პირობები **დანართი №4** (შპს „გარდაბნის თბოსადგურის“ მიერ საქონლისა და მომსახურების შესყიდვების სპეციალური წესის“ შესაბამისად).

#### 10. საკონტაქტო ინფორმაცია:

10.1. საკონტაქტო პირები:

შესყიდვების კოორდინატორი, თამარ ქაფიანიძე, ტელ.: (995) 591 11 09 11, e-mail: [t.kapianidze@gardabanitpp.ge](mailto:t.kapianidze@gardabanitpp.ge)

შესყიდვების კოორდინატორი, ლევან ფულარიანი, ტელ.: (995) 577 58 55 44, e-mail: [l.pulariani@gardabanitpp.ge](mailto:l.pulariani@gardabanitpp.ge)

ინფორმაცია პრეტენდენტის შესახებ

**დანართი №2**

|   |                                                             |  |
|---|-------------------------------------------------------------|--|
| 1 | პრეტენდენტის იურიდიული ფორმა და დასახელება                  |  |
| 2 | ხელმძღვანელის სახელი და გვარი                               |  |
| 3 | პრეტენდენტის იურიდიული ან/და ფაქტიური მისამართი             |  |
| 4 | საიდენტიფიკაციო კოდი                                        |  |
| 5 | პრეტენდენტის საკონტაქტო ტელეფონის ნომერი                    |  |
| 6 | ელექტრონული მისამართი                                       |  |
| 7 | საბანკო რეკვიზიტები (ბანკის კოდი, ანგარიშის ნომერი და ა.შ.) |  |

უფლებამოსილი პირის ხელმოწერა \_\_\_\_\_ / \_\_\_\_\_ /

ხელმოწერის სახელი, გვარი

ბ.ა

**ელექტრონული პროცედურის წინადადების უზრუნველყოფის გარანტია  
(ნიმუში)**

იმის გათვალისწინებით, რომ ----- (შემდგომში „პრეტენდენტი“)  
(პირი, რომელზეც გაიცემა საგარანტიო წერილი)

მზად არის წარმოადგინოს თავისი წინადადება ----- კომისიის  
(შემსყიდველი ორგანიზაციის დასახელება)

მიერ ----- შესყიდვაზე გამოცხადებულ ელექტრონულ პროცედურაში  
(შესყიდვის ობიექტის დასახელება დასახელება)

მონაწილეობის მისაღებად, ჩვენ ----- (შემდგომში „ბანკი“) ვადასტურებთ,  
(ბანკის დასახელება)

რომ ვიღებთ ვალდებულებას ----- (შემდგომში „შემსყიდველი“)  
(შემსყიდველი ორგანიზაციის დასახელება)

წინაშე, რომლის მიხედვითაც დროულად და სრულად ვუზრუნველყოფთ შემსყიდველისათვის

----- გადახდას შემდეგ შემთხვევებში:  
(თანხა გამოსახული ციფრებით, სიტყვიერად, ვალუტის მითითებით)

1. თუ წინადადების წარდგენის შემდეგ პრეტენდენტმა უარი განაცხადა ელექტრონულ პროცედურაში მონაწილეობაზე, თავისი წინადადების მოქმედების ვადის დასრულებამდე;
2. თუ პრეტენდენტი გამარჯვების შემთხვევაში უარს განაცხადებს შემსყიდველთან „საქონლისა და მომსახურების შესყიდვების სპეციალური წესის“ საფუძველზე შესყიდვის შესახებ ხელშეკრულების დადებაზე;
3. თუ პრეტენდენტი დისკვალიფიცირებული იქნა შესყიდვის პროცედურების დროს არაკეთილსინდისიერი ქმედების ჩადენის გამო;

გარანტია ძალაში რჩება ----- მდე \*  
(თარიღი)

*\*გარანტიის მოქმედების ვადა უნდა იყოს არანაკლებ 120 დღე ელექტრონულ პროცედურაში წინადადების მიღების დაწყების დღიდან.*

ბანკი უზრუნველყოფს საგარანტიო თანხის გადახდას შემსყიდველის წერილობითი მოთხოვნის მიღებისთანავე, შემსყიდველის მხრიდან ყოველგვარი მტკიცებულების წარმოდგენის გარეშე, იმ პირობით, რომ შემსყიდველის მოთხოვნაში მითითებული იქნება რომელი ზემოაღნიშნული შემთხვევის (შემთხვევების) დადგომის გამო ეკუთვნის მას ეს თანხა და შემსყიდველის მოთხოვნა საგარანტიო თანხის გადახდაზე წარედგინება ბანკს გარანტიის მოქმედების ვადის დასრულებამდე.

-----  
(ხელმოწერა)

-----  
(სახელი, გვარი, თანამდებობა)

----- 2018 წ.  
(თარიღი) ბ. ა.

შესყიდვების შესახებ ხელშეკრულების პროექტი  
(შესყიდვების შესახებ მოცემული ხელშეკრულების ფორმა და პირობები შესაძლებელია დაზუსტდეს  
ხელშეკრულების დადების მომენტისათვის მხარეთა მოლაპარაკების საფუძველზე)

ქ. გარდაბანი, -----, 2018 წ.

ერთის მხრივ, შპს “გარდაბნის თბოსადგური” (შემდგომში – “შემსყიდველი”), წარმოდგენილი გენერალური დირექტორის ლაშა მგელაძის სახით, და მეორეს მხრივ, ----- (შემდგომში “მიმწოდებელი”) წარმოდგენილი ----- სახით, იმ გარემოებიდან გამომდინარე, რომ 2018 წლის ----- შემსყიდველის მიერ „2018 წლის 16 თებერვლის საქართველოს მთავრობის #85 დადგენილებით დამტკიცებული „შპს „გარდაბნის თბოსადგურის“ მიერ საქონლისა და მომსახურების შესყიდვის სპეციალური წესის“ შესაბამისად გამოცხადებულ ელექტრონულ პროცედურაში GEO ----- (შემდგომში - პროცედურა) გამარჯვებულად გამოცხადდა ----- ფასით ----- ლარი დღგ-ს გარეშე, ვთანხმდებით შემდეგზე:

**1. ხელშეკრულების საგანი**

1.1. წინამდებარე ხელშეკრულების საგანია **გაზის ტურბინის GCV ჰიდრაულიკის ზეთის ფილტრის** (შემდგომში - საქონელი) შესყიდვა წინამდებარე ხელშეკრულებით გათვალისწინებული პირობების შესაბამისად.

1.2. საქონლის დასახელება, მახასიათებლები, რაოდენობა და ფასი ერთეულის მიხედვით მოცემულია წინამდებარე ხელშეკრულების დანართი №1-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

**2. მხარეთა უფლება-მოვალეობები**

2.1. “შემსყიდველი” უფლებამოსილია მოსთხოვოს “მიმწოდებელს” ხელშეკრულებით ნაკისრი ვალდებულებების შესრულება.

2.2. “შემსყიდველი” ვალდებულია, უზრუნველყოს ანგარიშსწორება ხელშეკრულებით გათვალისწინებული პირობებით;

2.3. “მიმწოდებელი” უფლებამოსილია, მოსთხოვოს “შემსყიდველს” ხელშეკრულებით ნაკისრი ვალდებულებების შესრულება.

2.4. “მიმწოდებელი” ვალდებულია, მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია;

**3. საქონლის მიწოდების პირობები**

3.1. მიმწოდებელი ვალდებულია უზრუნველყოს საქონლის მიწოდება ხელშეკრულების გაფორმებიდან \_\_ კალენდარული დღის ვადაში, შემდეგ მისამართზე: ქ. გარდაბანი, დ. აღმაშენებლის 28;

3.2. შემსყიდველი უფლებამოსილია უარი განაცხადოს უხარისხო ან ინსპექტირების ჯგუფის მიერ დაწუნებული საქონლის მიღებაზე.

**4. საქონლის ხარისხი**

4.1. მიმწოდებელი იღებს ვალდებულებას, რომ საქონლის ხარისხი შეესაბამება ხელშეკრულებით შეთანხმებულ ხარისხს და ტექნიკურ მაჩვენებლებს და საქონლისადმი დადგენილ სტანდარტებს.

4.2. პრეტენდენტმა საქონლის მოწოდებისას უნდა წარმოადგინოს მწარმოებლის და/ან მისი ოფიციალური წარმომადგენლის მიერ გაცემული დოკუმენტი, რომლის მიხედვითაც შესაძლებელი იქნება შემოთავაზებული და მოწოდებული საქონლის იდენტიფიცირება.

**5. ხელშეკრულების ფასი და ანგარიშსწორება**

5.1. საქონლის მთლიანი ღირებულება შეადგენს ----- ლარს დღგ-ს გარეშე, (თუ ხელშეკრულების დადების მომენტისთვის მიმწოდებელი არის დღგ-ის გადამხდელი საქართველოს კანონმდებლობის მოთხოვნათა შესაბამისად, შესაბამისი საგადასახადო ანგარიშ-ფაქტურის წარმოდგენის შემთხვევაში მას აუნაზღაურდება დღგ-ს განაკვეთი ----- (-----) ლარის ოდენობით.)

5.2. ანგარიშსწორების განსახორციელებლად საჭირო დოკუმენტ(ებ)ი:

- სასაქონლო ზედნადები;

- საგადასახადო ანგარიშ-ფაქტურა (იხ. წინამდებარე ხელშეკრულების პუნქტი 5.1);

5.3. ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, საქონლის მიწოდებიდან და 5.2 პუნქტით გათვალისწინებული დოკუმენტ(ებ)ის სრულად მიწოდებიდან არაუგვიანეს 10 სამუშაო დღის ვადაში.

**6. გარანტია, პასუხისმგებლობა და ხელშეკრულების პირობების შეუსრულებლობა**

6.1. მიმწოდებელი იძლევა გარანტიას, რომ შემსყიდველისათვის მიწოდებული საქონელი შეესაბამება შემსყიდველის მიერ განსაზღვრულ ტექნიკურ მახასიათებლებს, დააკმაყოფილებს შემსყიდველის მოთხოვნას და არ გააჩნია რაიმე ნაკლი.

6.2. მიმწოდებლის მიერ შემსყიდველისათვის მიწოდებულ საქონელზე *საგარანტიო* ვადა შეადგენს ----- თვეს საქონლის შემსყიდველისათვის მიწოდებიდან და შესაბამისი მიღება-ჩაბარების აქტის გაფორმებიდან.

6.3. საგარანტიო პერიოდში საქონელზე გამოვლენილი დეფექტის ან/და ხარვეზის შემთხვევაში მიმწოდებელი ვალდებულია საკუთარი ხარჯით შემსყიდველის მიერ განსაზღვრულ გონივრულ ვადაში უზრუნველყოს არსებული ხარვეზის ან/და დეფექტის აღმოფხვრა ან დეფექტის მქონე საქონლის შეცვლა.

6.4. მიმწოდებელი იძლევა გარანტიას, რომ დაიცავს შემსყიდველს მესამე პირების მხრიდან წამოყენებული ყველა პრეტენზიისაგან, ან/და აუნაზღაურებს შემსყიდველს ყველა სახის ფინანსურ თუ ადმინისტრაციულ სანქციას ჯარიმას, რაც მესამე პირების მხრიდან ან/და სახელმწიფოს მხრიდან შეიძლება მიადგეს შემსყიდველს, მიმწოდებლის მიერ ხელშეკრულების პირობების შეუსრულებლობის, დარღვევის ან არაჯეროვნად შესრულების გამო.

6.5. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას ხელშეკრულებისა და მოქმედი კანონმდებლობით დადგენილი წესის შესაბამისად.

6.6. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.7. „საქონლის“ მიწოდების დაყოვნების შემთხვევაში „მიმწოდებელი“ ვალდებულია გადაუხადოს „შემსყიდველს“ პირგასამტეხლო ყოველ ვადაგადაცილებულ კალენდარულ დღეზე „საქონლის“ საერთო ღირებულების 0.1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.8. „შემსყიდველის“ მიერ ანგარიშსწორების ვადის გადაცილების შემთხვევაში „მიმწოდებელს“ უფლება აქვს დააკისროს „შემსყიდველს“ პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0.1%-ის ოდენობით.

6.9. თუ ხელშეკრულება შეწყდება მიმწოდებლის მიერ ხელშეკრულებით ნაკისრი ვალდებულებების არაჯეროვნად შესრულების შედეგად (მიმწოდებლის მიზეზით/ბრალით), ამასთან, ხელშეკრულების შეწყვეტის მომენტისათვის მიმწოდებელს შემსყიდველისათვის მხოლოდ საქონლის ნაწილი ექნება მიწოდებული, შემსყიდველი უფლებამოსილი იქნება დააკისროს მიმწოდებელს პირგასამტეხლო შესასრულებელი (დარჩენილი) ვალდებულების შესაბამისი ღირებულების არაუმეტეს 10%-ის ოდენობით.

6.10. თუ ხელშეკრულება შეწყდება მიმწოდებლის მიერ ხელშეკრულებით ნაკისრი ვალდებულებების არაჯეროვნად შესრულების ან შეუსრულებლობის შედეგად (მიმწოდებლის მიზეზით/ბრალით), ამასთან, ხელშეკრულების შეწყვეტის მომენტისათვის მიმწოდებელს შემსყიდველისათვის საქონელი საერთოდ არ ექნება მიწოდებული ან მხოლოდ უმნიშვნელო ოდენობით ექნება მიწოდებული, შემსყიდველი უფლებამოსილი იქნება დააკისროს მიმწოდებელს პირგასამტეხლო ხელშეკრულების საერთო ღირებულების არაუმეტეს 20%-ის ოდენობით.

6.11. „მიმწოდებლის“ მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6.12. შესაბამისი წინაპირობების არსებობის შემთხვევაში, შემსყიდველი უფლებამოსილი იქნება მიმწოდებელს დააკისროს როგორც 6.7 მუხლით განსაზღვრული პირგასამტეხლო, ასევე, იმავდროულად 6.9. და 6.10. მუხლებით გათვალისწინებული პირგასამტეხლოები.

## **7. მხარეთა პასუხისმგებლობისგან გათავისუფლება**

7.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

7.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

## **8. ხელშეკრულების ინსპექტირების პირობები**

8.1. შემსყიდველს ან მის მიერ უფლებამოსილ პირს უფლება აქვს განახორციელონ საქონლის კონტროლი და/ან გამოცადონ საქონელი.

8.2. მიმწოდებლის მიერ ხელშეკრულებისა და მისი დანართების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.

8.3. ინსპექტირების ჯგუფის ფუნქციებია:

8.3.1. საქონლის მოცულობის, ხარისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

8.3.2. შეამოწმოს საქონელი მის მიღებამდე და უხარისხობის შემთხვევაში უარი თქვას მის მიღებაზე.

8.3.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

8.4. ყოველი გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

## **9. ხელშეკრულებაში ცვლილებების შეტანა**

9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.  
9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

#### **10. ხელშეკრულების ძალაში შესვლა და მოქმედების ვადა**

10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2018 წლის (მოწოდების ვადას დამატებული 30 კალენდარული დღე) -- -----.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

#### **11. ხელშეკრულების შეწყვეტა**

11.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

11.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

- ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა;
- ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;
- გ) სსკ 398-ე მუხლით გათვალისწინებულ შემთხვევაში.

11.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

#### **12. დავების გადაწყვეტა, მარეგულირებელი სამართალი**

12.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

12.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

12.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

#### **13. დასკვნითი დებულებები**

13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

13.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

13.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.

13.4. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

#### **14. მხარეთა რეკვიზიტები და ხელმოწერები**